南

臺

舊

聞

出為御史衛也集 者增益多者減省方者使圓圓者使方奏之始皇等之 **南臺舊聞卷十五** 程遊為御史得罪始皇緊雲陽十年於獄中作大象以 趙岐宇邠卿京兆長陵人也初名嘉生於御史臺因名 晉先蔑為左行其後為氏漢有御史左行恢廣彰 三角漢武帝紀 翌日親登高南御史乗屬在廟旁吏卒成聞呼萬歲者 雜錄上 可加加東町大下に 黄叔璇 王圃輯

皆賦詩高彪獨作箴邕美其文以為莫尚也後漢文苑京兆第五永為督軍御史使督幽州百官祖餞蔡邕等 臺卿後避難故自改名字示不忘本土也後漢書 蔡邕以侍御史又轉侍書御史遷尚書三日之間周遷 沈文季嗜飲一飲必五斗妻王氏亦能飲三斗為吳與 二臺後漢書 豫章列士傳 周騰宇叔達為御史桓帝欲南郊平明將出叔達仰首 曰今宮中策馬星不動帝何出焉四更皇太子卒逐止 百雪書 周老丁五

御史糾不醉者文季獨不肯飲被驅下殿亦不顧也南 太守時恒夫妻對飲竟日不視事及與宴殿中明帝令 七乃與之同食北史 自若有河東土姓裝亦為御史伺瞻食便往造馬瞻不 崔瞻在御史臺恒宅中送食備盡珍饈別室獨食處之 崔暹精選御史皆是世胄李廣獨以才學兼侍御史修 箸恣情飲啖瞻謂曰我初不與君食亦不共君語逐能 與交言又不命心箸裴坐觀贍食罷而退明日自攜七 不拘小節告劉教在京口冒請為炎豈亦異是君定名

第於是預選者爭相引決匡使子昇當之皆受屈而去 **伏連書侍御史王子宜武衞大將軍髙舍洛等謀誅之** 舉謂人曰朝來靡旗亂轍者皆子昇逐北遂補御史時 士開早參伏連把士開手曰今有一大好事王子宜便 和士開彌自放恣琅琊王嚴惡之與領軍大將軍庫狄 者八百餘人温子昇與盧仲宣孫搴等一十四人為高 熙平初中尉東平王匡博召辭人以充御史同時射策 國史南臺文奏多其辭也同上 函云有勅令王向臺遣軍士防送禁治書侍御願 二量中彈文皆委焉同上 八南臺舊聞卷十五

事爛遣都督馬永洛就臺斬之先是鄴下童諮云和士 希肯成輝偽罪歌奏報於州斬块輝偽遺語州令史曰 為法司阿曲必須窮正令尚書左丞盧斐覆驗之斐遂 通訴反誣魏輝儁為納民財枉見推縛文皇帝大怒以 魏輝傷就郡治之贓賄狼籍罪合當死善於獄中使人 北齊陽翟太守張善苛酷貪發惡聲流布蘭急遣御史 開當入臺士開謂入上臺至是果驗同上 我之情理是君所見可辨紙百番筆二管墨一錠以隨 吾屍州令史哀悼為之殯殮并備紙筆未幾張善得病 惟云叩頭未旬日而死總两月盧斐坐譏魏史為魏收

周遽以聞詔有司給直并賜奴婢什物由是人乃悟周 唐太宗聞蘭亭真蹟在僧辨才處特遣御史蕭翼縣得 以其與書生素無貨皆竊笑它日白有佳空直二百萬 初帝遇馬周厚周頗自負為御史時遣人以圖購宅衆 馴擾其廬時人以為孝威北史 武德四年收入泰府貞觀十年始命湯普澈馮承素 隋唐孝意為侍御史後以父憂去職居丧過禮有白鹿 所奏文宣帝鴆殺之 縣廣費食雞尚何與榜吏斥之唐書列傳 行郡縣食必進難小吏訟之帝曰我禁御史食肉恐 ~ 商臺舊聞卷十五 臣鑒録

葛貞歐陽詢褚遂良臨之春明夢餘録 唐高宗時李義府恃寵用事侍御史王義方欲奏彈之 府事劾之嗣義 將全樹借汝豈惟一枝拜監察御史唐書 以成子之名汝能盡忠以事君吾死不恨義方乃舉義 琴中件夜啼上林多少樹不借一枝樓上深賞之日我 太宗召見李義府試令詠棲烏立成詩曰日裏颺朝彩 則身危憂及其親則不孝奈何母曰昔王陵之母殺身 乃先白其母曰義方為御史視奸臣不糾則不忠糾之 高宗問羣臣求可為御史者愈舉萬年尉楊子失其名

事無類函 外部微有恨惋吏部郎中張思咏日有意嫌兵部專心 望考功誰知脚踐蹬幾落省橋東蓋膳部省最東北 度僧尼道士至令祠部給僧尼牒則天實六載五月制 先天中王上客為侍御史自以才望當前忽除膳部員 居公堂視事其可以為準繩司乎自是百官必衣而 居數月復問之羣臣復舉馬上日吾開斯人常以褻服 士旬日得百萬緒明年御史鄭叔清與宰相裴冕議 禄山反楊國忠遣侍御史崔衆至太原納錢度僧 困學紀聞間若樣注 南臺舊聞卷十五

息 陸元方為監察御史武后時使領外方波海風濤 侯 書 也 絕其髓武后大悅授左臺監察御史時號四其御史 郭弘霸自陳討徐敬業云臣誓 同上 次用人如問君不識字宜對解寫不學而能 思止為渤海高元禮 用人安事識字無何后果問思止以 南 人懼元方日吾受命不私神豈害我趣使濟而風記 部 新書 奴拜游擊將軍元禮家教曰 抽其筋食其肉飲其血 附后 腐 消 唐

俊臣侯思止皆為御史臺獄園扉相滿崔隱甫總臺務 贼贖三司受事監奏次知東推理壓之事臺中有黃卷 中遷左臺御史 錢者舊例新 (廣滅之以萬二千為限三院各有院長議罰則詢於 端也唐六典 糾舉所職則罰之其新除者未晚制度罰有日逾 自貞觀中李乾祐為御史大夫别置臺獄武后時來 御史年深者 ·据去於是旁列精舍以釋典懺之崔湜為文梁 南臺舊聞卷十五 人罰止於四萬及崔隐南為大夫以其數 同 一人判臺事知公解雜事等次知西 推

TANK THE PROPERTY OF LONDON TO THE PROPERTY OF THE PARTY 文碑凡三見此唐一代所惟有也昇卿自監察御史歷 自景初以下正書三百四十七人監察御史也碑額又 侍御史也自浸以下正書百八十四人殿中侍御史也 景初三人亦昇卿分書自懷慎以下正書百二十二人 中侍御監察御史并內供奉街題名僅盧懷慎崔是陸 殿中侍御史遷侍御史再逐太子右庶子曝書亭集 昇卿書以八分開元十 唐御史臺精舍碑今在西安府儒學碑陰題名表其 有天寶元載以後侍御史知雜侍御史監察御史共五 ·人而碑之左右椎拓不及焉中有薛侃侃者二各重 年勒諸石碑陰列侍御史殿 NAME OF THE PROPERTY OF

年為載不當云元載恐是追書金石文字記 處前後皆有刻前刻監察御史及姓名後刻知雜侍 史及姓名有自天寶元載以後七字按天寶三年始改 并字下缺不全列陸景初等名其盧崔陸三人姓名並 始自左補關授殿中侍御史至止之日其構適成就奉 銘云左臺精舍者諸御史尊羣思之所作也長安初提 御史并內供奉列崔提等名下格曰監察御史下有 格日侍御史并内供奉列盧懷慎等名中格日殿中侍 公固以碑表相托為之作銘開元十一年殿中侍御史 八分書益深筆也餘則正書乃後人續書之者碑額空 南雪有周者十五

有佳客乎吏以張嘉貞對循憲召見容以事嘉貞條析 梁昇卵追書秦藻幽勝錄 理分莫不洗然循憲試命草奏皆意所未及它日武 長安中御史張循憲使河東事有未決問吏曰若頗知 砂清澈可愛牛僧孺為佐一日報灘出縣僚共觀之有 以為能循憲對皆嘉貞所為因請以官讓后拜監察御 老吏曰此必分司御史若是西臺當是一 河南伊關縣前每僚佐有入臺者即水中灘出石礫金 ,捏循憲司熟郎中聽其得人 杯祝曰旣成有灘何惜鴻鴻須臾一 7.2: 1 唐書列傳 雙鴻鴻僧孺 雙寫鵜飛下

柳 未成年山堂肆考 難中不旬日僧孺拜察院劇談錄 幸貫之始為監察御史舉其第纁自代及為左補闕無 代為御史議者不謂之私 檢局乃求補 呂太乙拜監察御史裏行自負才華而不即真因咏竹 其兄温善欲薦用之諷演謁已温歸以告澳不答温 以見意日濯濯堂前竹青青耐歲寒心真徒見賞弱小 渾召拜監察御史臺僚以儀矩相絕而渾放曠不 人 照買敦頤鄭德本號鐺脚御史韓略 南臺書附卷一二五 外同上 子澳御史中丞高元裕與

賈忠言撰御史本草以裏行及試員外為合口椒最有 毒監察為開口椒毒微次殿中為蘿蔔亦曰生薑雖 御史收亦自西川遷兄弟同臺當世祭之 先固辭植數美為止未幾假自浙西觀察判官權監察 官本草題御史大熱有毒主除邪疾杜奸回振冤滞 辣而不為患侍御史為脆黎漸入佳味又侯味虚著百 格端士若輕之即澳口然恐無呈身御史 馬植議補楊收監察御史收以兄假外遷誼不 推進士授監察御史裏行不樂日爵禄等滋味 之長精神 山堂肆考 同 唐書列傳

盡碧葉成黃泥願君學長松慎勿作桃李受屈不改心 李白贈革侍御黃裳太華生長松亭亭凌霜雪天與百 然後知君子此詩可為柏府座右銘 尺高豈為微殿折桃李賣陽艷路人行且逃春光掃地 解鴻門生唐為後身蓋喻鍋為子房後身也李詩補註 所論事專拜平章事都統淮南諸軍事李白贈詩佐漢 張鎬好伯王大略楊國忠執政求天下士為己重薦拜 左拾遺歷侍御史元宗入蜀鎬徒步扈從俄遣指肅 也人皆欲之吾年五十拭鏡撈白冒遊少年間取 級不見其味也將為松前主人不惟陶淵明云唐書 人南臺舊聞卷十五 輯園雜識

竟扇動領表與哥舒晃作亂亦其類也分甘除話 字齊名杜子美贈蘇海詩序云蘇大侍御浜靜者也浜 盧循盜賊而沙門慧遠與之友善祖約叛逆而少與阮 北其中有毒龍靈怪人莫測開目為晨光閉目為夜色 子美稱蘇海為靜者而謂歷公不浪出蘇氏今有之不 知子美何取麗公之比海詩如日月東西行不照大荒 王蒙者與趙門下憬布衣之舊常知其吏才及公入祖 預如此固自可見其胸中也 蔡寬夫詩話 開復一閉明晦無休息居然六合內曠哉天地德 且不言世人狼喧喧唐人以為長於諷刺觀其詞氣 南臺書問卷十五

官須得孤直茂實者充選紙取輕薄後生朝中子第不 後當得一 果因問日趙璟向論請何事上日趙璟極公心因說御 如不置趙公曰臣欲於錄事恭軍縣令中求之上大喜 占色者蒙問早晚得官僧曰觀君之色殊未見喜兆此 **蒙自新淦令來謁公將擢為御史一日偶詣慈恩僧寺** 太多就中監察尤為要者臣欲選擇三數人德宗曰 史事延齡日趙璟身為宰相豈語州縣官績効二人 公因為二人其一 於問公曰相公奏何事公不之對延齡旣見上奏事 邊上御史一日趙公乗問奏日御史府關 即蒙也上日且將狀來公既出逢裴

御史焉因話錄 漫錄 藍田與別未幾夷簡薦晦為御史曰君不負楊臨智肯 頁國子世兩賢之而李公尤得古人舉讐之意馬林 居 韓愈自監察御史貶連州陽山令所坐之因傳記各與 李夷簡殫楊憑貶臨賀尉親友無敢选者獨徐晦送至 行蒙却歸故林而趙公薨後數年邊帥奏為從事得假 無言他日延齡又入上日趙璟所請果如卿料遂寢了 何以知此二人公曰一 不為人所稱說憬何由知之必私也他日上閣問云卿 可には無明した。 一是故人一與臣微親語熟之上 September 1

陵塗中詩云同官盡才俊偏善柳與劉或慮語言洩傳 考退之自連山移江陵詩云孤臣昔放逐泣血追愆尤 厚無與比者愈為實所幾不應此書奉奉如是及觀江 汗漫不省識恍如乘槎浮或自疑上疏上疏豈其由則 年譜謂愈與同列上疏為幸臣所讒幸臣者李實也予 稱其能其後實出為華州又有書云愈蒙恩獎知遇最 所坐之因雖退之猶疑之也集中有上京北李實書盛 幸臣所惡故贬皇甫湜作神道碑謂貞元十九年關中 旱饑公請寬民徭專政者惡之故貶按文公歷官記及 唐書本傳謂上疏論宮市德宗怒故貶李翺行狀謂為

南室在周老十二五

為李實所聽也詩話總龜 中了了具鄉國知有歸日看方開又有永正行以快任 之落冤仇又和張十一憶昨行云伍文未揃崖州機雖 得赦宥常愁猜近者三奸悉破碎羽窟無底幽黃能眼 文之貶則知陽山之貶伍文之力而劉柳下石為多非 韓子年譜載張署詩九疑蜂畔二江前聽關思鄉日抵 火鵬鳥開飛霧裏天海汗幾時流率土扁舟西下共歸 年白簡趨朝曾並命養悟左宦亦聯篇鮫人遠泛漁州 署詩云山浮江空水見沙哀猿啼處两三家質當就長 田署與退之同為御史同還謫故詩中皆言之退之得 与是清明长十五 はない。

掌之劉世僚雜鈔 选生涯吟君詩罷看雙髻陡覺霜毛一半加又有祭署 穆宗每宫中花開則以重頂帳蒙蔽欄檻置惜春御史 柳州在陽山之北二詩皆此時作也 文云我落陽山君飄臨武君止于縣我又南踰臨武屬 纖纖笋躑躅初開艷艷花未報思波知死所莫令炎瘴 改旣而有韶以陸淳為給事中改名質淳不得已改名 唐憲宗諱純凡姓淳于者改姓于唯監察御史韋淳不 日知録 詩松下待制應全遠藥樹監搜可得知蓋唐宣 一年によりている 一若溪叢話

禁葱翠可愛於今關右頗多人罕識焉文昌雜录 監察所掌也太和元年詔曰自魏晋以降參用霸制虚 藥樹監察御史搜之位在馬唐制百官入宮殿門必搜 至今猶存紫宸殿亦有松樹為待對官立位殿門外 監搜宜停元昆為部比自長安擔藥樹數株至京師其 江海去樂游原上 搜索因習尚存於方推表相信置人心腹况否台军 殿為正衙殿廷有四松松下待制官立班之地舊 何問焉自今以後坐朝衆察既退率臣後進奏事其 牧詩清時有味是無能別愛孤雲靜愛僧擬犯 一望昭陵恭不滿於當時故末有望昭

當時第 復罷 侍兒小名錄云兵部李尚樂妓崔紫雲詞華清悄看目 與分司御史來忽發 狂吟驚滿座兩行紅粉一 誠坐客達李李遽馳書以招而收之遂來謂李曰聞有 **陵之句江輔之謫官累年後知處州謝表有云清時** 白首無能於持正為御史引牧詩為證以為怨望逐 閒逸旁若無人 雲者就是因指示收之作詩日華堂今日綺筵 收自御史分司洛陽時李司徒聰罷鎮閒居聲妖為 石林詩話 八声 堂舊間老上了 因會朝士以收之當任風憲不敢ى置收之 古今詩話 時回意 有

名 郡 吾十 姓引髽髻女年十餘歲收熟視之曰此真國色也因 教随命去惡思勝断出門時若溪業話 收自侍御史出佐沈傅師宣城菜 行獻詩曰從來學製斐然詩不料霜臺御史 風物 而生二 將致舟 必為 妍好 前詩罷 刺 子矣牧 うけつしこうすしい 且多麗色在游之竟無所得將罷忽有 比 郡 上馬而去李公尋以紫雲 即 若不來乃從所適因以重幣結 姥女皆懼收曰且不 至 那則十 政之夕函使人召之收詰其 四年 雅聞 所約之妹已從 即納當為後 THE PERSON NAMED IN COLUMN TWO IS NOT THE PERSON NAMED IN COLUMN TWO I 州為 知愁 浙

暗想春相憶書幌誰令夜獨吟料得此時天上月只 入不復出為詩兩篇投獻詩曰三山不見海沉沉豈有 吉留守求 , 踪尚可尋青鳥去時雲路衛姮娥歸 嫁嫁已三年矣牧俯首曰醉也直强之不祥乃禮 和初有為御史分務洛京者有效善歌時大尉李逢 髮旣許我久矣何為適人母拜日向 之因為恨别詩曰自是尋芳去較遲不須惆悵怨芳 風落盡嬌紅色緑葉成陰子滿枝麗情集 兩人心一篇亡若溪漁隱日余觀劉賓客外集 再監督門者一十五 一見旣不敢辭李姬四十餘輩皆出其下 月宮深紗 年不來而 應

李義山詩天平公座中呈令狐令公時蔡京曾為僧徒 史姓名則此詩豈非夢得為之假手乎漫遊詩話憶妓四首內有一首即前詩也古今詩話中旣不云御 三應王茂元之辟始授御史去楚没時久矣朱駕齡箋 故有第五句按令公必為綯非為楚也白足禪僧思敗 史裏行以督之御史萊驛未出開天下寺至於在基耕 會昌五年命西京留佛寺四僧唯十人東京二寺華汝 三十四治所得留一寺其餘刺史州不得有寺出四御 1謂蔡京青袍御史擬休官必義山自謂義山以會昌 の数の数はないのである。

篇與薛郎中云錦字龍梭織錦篇鳳凰文采問非煙並 景等核啼仙同行故云無伴時補衰謝病歸更寄織錦 首日容至私第録進乃選八十首進後以眼疾辭拜 韓常侍為郎吏日宣宗問日卿有好詩如何得見韓稽 唐以秘書監望雖清雅實非要劇以監為宰相病坊丞 他時世新花樣虛費工夫不直錢古今詩話 **泉暫如犀心不驚鷗角駭雞** 貂為御史街命出關謝獄道中看華山有詩曰野麋棠 利之 即為尚書即病坊秘書即及者作佐郎為監察 侯鯖録 西宣誓問差十五 一路好山無伴看斷腸煙 TO THE REAL PROPERTY.

唐末沈汾侍御退居樂道家有二妾一日謂曰我死爾 同上 史米不樂也問車傭幾何對日御史不償也母怒勃歸 餘米慣其傭因切責審諸點誤録 李審諸為御史得廩米母量之三斛而藏問故對日 汝試哭吾欲觀之妾不得已雅秧而哭哭畢汾已卒矣 擬密使安重該專權用事重該前駒边御史臺門殿直 STATE STATE OF THE 哭乎妾曰安得不样之言固問對曰安得不哭汾 延誤衝之重齒怒即臺門斬延而後奏李琪為中丞 病坊 類要 7. 17.5

史諫官無敢言者五代史 白皇后上貢何在延英又獻皇后錢千萬乃得不劾 取良家子職怒召下御史劾之延英進買宴錢千萬職 開實六年學士李昉知貢舉有訟助徇私者帝乃籍下 王延巍旣立更名職泉川刺史余延英常矯職命掠 敢彈糾重誨請降勅處分明宗不得已從之由是御 姓名得三百六十人皆召見擇 為考官得進士二十六人 五經四人開元禮上 朱準御殿給紙筆别試詩賦命殿中侍御史本 一百九十人

江上每乗小舟載絲絕維南岸疾掉抵北岸以度江之 推侍御史同上 樊知古當舉進士於南唐不第謀歸太祖乃漁釣采石 曹修古者四御史之一也明道初請太后還改謫守與 廣狹開寶三年請闕上書言江南可取狀請造浮橋濟 砰口試造之移至采石三日橋成不差尺寸金陵送平 師已南征議用其策或謂江濤險壯恐不能就乃於石 禮三十八人三傳三十六人三史三人學完十八 一人皆賜及第而防等皆坐責自是殿試遂為常

修古有女始符告母曰先人忠節聞天下不幸直言謫 化暴死於室羣僚及鄉人憐之相與欽錢數十萬贈之 死且君子不家於丧此錢決不可受浼先人清德哭謝 聞君有臺憲之命仲容立馬應謝久之 · 枯中有那更皮仲容街獨為一 选者固請竟不肯受臣鑒錄 · 南臺舊開卷十五 廷所置臺憲必用稀姓者故以君 御史乃仲簡論程掌禹錫也聞者傳以為 娶妾殺婢御史奏逐去之范鎮言陰陽 一輕薄子所戲遽前賀 徐問何以

為覺游仙夢! **贖玉帝前語傷鯁許遂謫於世公夢回題詩於書**牕 待制王公素仲儀任御史日常夢至王京黃闕殿上 私欲以一婢逐年相非所以明等級辯堂陛也臣鑒録 紺服翠冠者曰吾東門侍郎公則西門侍郎也昔以奏 似去華胥國裏來雲霞深處見樓臺月光冷射雞牕急 仙童已掃 藏白玉京夢魂飛入黃金城何時再步煙背外皓齒 財匱民困執中當任其各合御史拾大責細暴揚燕 西有高唐館俯近淮水御史閣欽授宿此館題詩 廳詩史 廻公晚歲復思玉京之夢作詩曰虚

商臺舊開卷一江 封知府三司使一日對上前因殺敡歷之久不覺泪下 滿子龍圖雙泪落君前龍圖王博文也當更大藩鎮開 館神女何曾入夢來有李和風者至此又作詩日高唐 笑曰仲昌故國三千里宗道深宮二十年殿院一聲河 殿院蕭定基也為殿中侍御史與韓魏公吳春卿王君 景祐中有輕薄子以古人二十字詩盆成二十八字嘲 不是這高唐准上江南各異方若向此中求薦枕參差 日借問襄王安在哉山川此地勝陽臺今朝寓宿高唐 殺楚襄王倦游録 開封舉人作河滿子曲嘲之因奏事仁宗問 十一年,一个一个

莫匹云 牒歸建州當時以為雖用古人詩句而切中一時之盛 之合誦一遍王宗道為諸王教授及講書凡二十餘年 所憤疾願條一二事臣職敢妄率宰相文彦博邪行世 月十九日御史唐子方危言初造膝曰朝有巨奸臣介 不求進用仲昌者草郇公之仲從子論科場不公奏聞 該官皆上疏及彈文彥博則吳奎畏縮不前當時謂找 唐介滴英州别駕梅堯臣作書竄詩曰皇施辛卯冬十 爭傳以為笑樂東齊録 有嫌避又削去此詩是以少人知者唐介始彈張堯佐 云竟臣作此詩不敢示人及歐陽修編其集時 うころうのラスート

华绿 奎而文路公益不安遂罷政事時李師中詩选唐有並 遊英俊顏何厚未死姦諛骨已寒之句為奎發也東軒 鄭谷與僧齊已黃損等共定今體詩格一日胡蘆一日 孤忠自許眾不與獨立敢言人所難去國一身輕似葉 入進退韻者一進一退唐介謫英州別駕朝中士大夫 動陣脚及唐爭論於上前遂并及奎之背約執政又點 以詩途行者頗衆獨李師中待制一篇為人傳誦詩日 **日進退葫蘆韻者先二後四轆轤韻者雙出雙** 一古重於山並遊英俊顏何厚未死姦諛骨已寒 下西南南南北 「日本」 日本三年月日 八大 - 「L 員外而二人之詩不見不知何人也獨此詩以字畫傳六一居士謂傳師游道林岳麓寺詩題云酬唐侍御姚 傷上大夫執政畏其言進程尤速流遂舉行御史選 否悉論之必勝而後已專務扶人陰私其辯之事以 於世而詩亦自佳蔡寬夫謂唐狀者即沈傅師所謂唐 天為吾君扶社稷肯教夫子不生還按韻略難字第一 五山字第二十七寒字又在二十五而還字又在二 御也詩語秀拔若溪叢話 流言自慶歷後臺諫官用事朝廷命令之出事無当 一進一退此所謂進退韻格也鄉素雜記

傅堯俞出知和州通判楊洙乘間問曰公以直言斥居 **沅引格出之中丞張昇等言流挾私出御史時樞密使** 英宗新即位任事者盆專凡臺諫官言事一切不聽 狄青亦因御史言罷知陳州流奏曰御史去陛下將 之格滿二歲者與知 哉今日為郡守當宣朝廷美意而反叱叱追言前日 陛下爪牙此曹所謀臣莫測也昇等益論辯不已罷 何為未當言及御史時事竟介目前日言職也豈得 知應天府宋史列傳 八誹謗何異同 州御史范師道趙汴歲滿求補 上

に たっている 一二

突兀見長身註臺吏謂御史立處為班心同上 蘇東坡送張舜民御史出倅詩樊口凄凉已陳迹班心 余以事緊御史臺獄獄吏稍見侵自度不能堪死欲中 而退謂之鬼参海録碎事 御史上事日吏人參謁亦無通費忽於指下齊拜默然 寢之時謂之訖了臺吏亦為之沮赧每白御史言其 平中執政恃權以沮言者凡臺諫官入言極以進呈 文記了也同上 聚 官不留一人京師為之語曰絕市無臺官

承之書謂余曰昨在從班字定資深期子瞻獄 眼中犀角真吾子身後牛衣愧老妻百歲神遊定何處 王定國甲申雜紀云天下之公論雖讐怨不能奪也李 桐 口無歸更累人是處青山可埋骨他年夜語獨傷神 王如天萬物春小臣愚暗自亡身百年未滿先價債 鄉 動根瑞月向低夢繞雲山心似鹿魂飛湯火命如雞 世世為兄弟又結來生未了因 知葬浙江西蘇東坡集 · 清臺舊開卷十五 别子由故作二詩授獄卒梁成以遺子由 故問一日資深於崇政殿門忽謂諸人曰蘇 柘臺霜氣夜凄凄 (雖同

叢話以備觀覽若溪叢話 奇才也眾莫敢對己而日雖三十年所作文字詩句引 霖雨不知龍向此中蟠此龍是也獄吏亦為之一笑同 因錄得其本與近時所刊行鳥臺詩案為尤詳今節入 證經傳隨問隨答無一字差舛誠天下之奇才也數息 先生上文潞公書云某始就選赴很有一子稍長徒步 東坡在御史微獄吏問云雙榜詩根到九泉無曲處世 不已余之先君靖康間皆為臺端臺中子瞻詩案具在 河西北海川が上江 唯有整龍知有無機飄答日王安石詩天下養生待

賓再見明光宮我冠揖縉紳而今三見子坎坷為逐臣 在田里肯比渭與萃出試乃大謬獨狗難重陳歲晚多 朝遊雲雪間欲分丞相茵暮落江湖上遂學屈子鄰 不見喜愠子豈真可人避近成一歡醉語出天真士方 相隨其餘守舍皆婦女幼稚至宿州御史符下就家取 湖南别後作詩即用其字為韻江陵昔相遇慕府稱上 女悉罵日是好著書書成何所得而怖我如此悉取焚 東坡赴杭州通判到揚州有劉擊為作臺官言事責降 蘇文忠年語 州郡望風遣吏發卒圍船搜取長幼幾怖死旣去

陳伯修名師錫神宗時登第奏名帝得其文憂讀憂賞 文館放日既云馬默豈合鹽鳴東軒筆録 李端叔歷樞密院編修官通判原州元符中監內香藥 霜露歸耕當及長鳥臺詩紫 聞君射策日妙語發轉各知臨安縣拜監察御史以言 劉放性滑稽喜謔玩馬默為臺官彈放輕薄不當置在 顧侍臣曰此必陳師錫也啓封果然雅為第三人故云 郎遇工部郎藏宗用為殿中侍御史坐黨論則官苑註 事出知宿遷縣元枯間東坡三上章薦之乃入為秘書 御史論為東坡客不可任京官記停發施註蘇詩 三日四日日

錄別集 明道先生日君子如君實不拜同知樞密院以去范堯 對來欲常相見爾一日論議甚久日官報午正先生 求退廷中人相謂日御史不知上未食耶宋名臣言行 行神宗素知先生名召對從容訪問每對退必日頻求 明道先生熙寧二年呂申公薦授太子中允權御史裏 一節同修起居汪得罪張天祺監察御史面折介南被 分南性狠聚人皆以為不可則執之愈堅君子旣 一日三十月 十一丁

聞見録 皆出彼獨潛謂之豹直山堂肆考御史初入臺陪直二十五日為伏豹取不出之義衆官 陽方就發自後遼人常造數漆棺以銀歸之每有使人 天聖中侍御史知雜事章頻使遼死遼無棺機舉至范 入境則載以隨行至今為例夢溪筆談 與之敵俟其勢久自緩委曲平章尚有聽從之理俾 碩有罪但坐罷職不應懷恨註釋詩語近於根據不 人無隙以乘其為害不至如此之甚也天下以為知言 官劉安世等攻蔡確為謗詩侍御史盛陶曰確以躬 うここうりして THE RESERVE THE PARTY OF THE PA

堂之議未知其但欲襟憑江漢控引荆吳以保東南而 去終臨額渚居大江清到底為問渴何如詩說雋永 朱深明為郎中其謝先公寄茶無簡深明詩云諫議茶 巴乎抑當克復神州迅棉陵關據中原而撫三河也當 晁冲之樂府最知名詩以見於世政和末先公為御史 之人而附會觀望紀綱何賴出知汝州宋史 以長告許之風安世疏言居風憲地目觀無禮於君親 御史胡世將撫諭東南幸齊先生謁而說之日今日廟 猶寄郎官述已陳斜封三道印不奏一行書會違長安 不取關中中原不可復不取荆淮東南不可保今但

之社宦常以不遇處之則無事矣臣娶録 吏部員外每云乘舟常以覆獨處之乘車常以顛墜處 對稱者於拜御史辭曰臣由大臣薦不可居是官乃授 史與秦會論事件其意師遜遂劾綸且言知識淺昧 紹與二十四年王綸以御史中丞魏師遜薦為監察御 尼言行録外集 僧所厚權户部尚書梁汝嘉將特賜出身除兩府汝嘉 知論由此能去宋史列傳 米冠權正第徽宗以四食求言大臣薦海之否 審自用於道途未知票漂者竟何如耶

家史治遂以瓚為右正言午即治裝去上手記趣留之 **東部郎謝廓然由曾觀薦賜出身除殿中侍御史命** 同 崇政殿說書史嵩之雅不欲午在經筵時殿中侍御史 而於法無避嵩之乃與言路密謀以為午嘗劾王費姻 項容孫子娶午從子嵩之俾容孫上疏避午欲撼之 檜 待聘乘榆来趟門亟告之檜即奏為起居即葵方待 呂午後為監察御史入見帝曰卿向來議論甚明切無 聞周葵欲劾之謂中書舍人李待聘曰副端將論君矣 下殿論閣門曰周葵已得古除起居即 一 南臺書園恭十五 盂 同

意或件權貴重為大人累何母日爾第盡言吾有爾兄 將傾天下有不可勝諱之慮上為改容集事淵海 透詞頭去論服之同上 中出中書舍人林光朝愕曰是輕臺諫差科目也立 在辨入就職疏奏天變而至於怒民怨而至於離海宇 史每月二十千春冬絹各十匹春加羅 百此官好汝何憂璘日此官須為朝廷年是非一佛上 辦寧宗時權監察御史臺吏且至雖不指關母日人 御史知雜事殿中侍御史每月奉禄三十千監察御 水南臺舊開卷十五 匹冬棉三十 意

賢之拜也金選舉志 宮考試官侍御史完顏滿涅等日文路始開而有此得 雙當進士入院之夜半聞東當上有聲如音樂西達於 侍御送奏事殿中章宗曰佳御史就除侍御史 犯罪輕不贖而於亦一時之怒也世宗曰執事不樂是 大定二十四年會有司市麵不時酬直世宗怒監察不 故犯也輝對回往者不可諫來者猶可追 金大定十三年八月於憫忠寺策武女直進士寺舊有 秋責之以問參知政事程輝對日監察君之耳目所 王維翰攝

司官宿直餘亦當准此金史 務 並此 雖慢 进 班 能 少 臺 折 職 付 事 股 間 唐 军 相 宿 軍無為整聞鼓院官欲有所問皆不在任上諭中丞孟 省中臺雷政部官其餘司局亦當宿直今尚書省左右 一日上上三日日十二九 也近日無問事之大小情之輕重一概的决以為大定 收贖或至奪俸重則外降間有的決者皆有為而然又 與定時參知政事張行信上言大定間監察坐罪大抵 故實過矣詔尚書更完監察罪名同上 有勒古監察職王彈劾而或看循者非謂凡失察皆然 監察御史石玠行部過洛西薛曼卿不之見或曰君何

宇文周時所造作辨萬餘言出入傳記引據甚明學者 將謂自我發之同惡相庇他日并鄰里必有受禍者金 無鄉曲情曼卿曰凡今時政未必皆善御史一 史完顏說可傳 史或得 劉和日金人南渡之後近侍之權尤重蓋宣宗善用 史隐逸傳 以比蔡正甫越王墓辯于卿姓馬氏名定國往平人 石敢自唐以來無定論在平馬子卿以字書考之云是 人以為耳目伺察百官故奉御輩採訪民間號行路 一二事即入奏之上因責臺官漏洩皆抵罪途 THE PERSON NO. 一有所劾

監察舊例所進此子止是今呈子樣但內為腰封其夢 監察御史任至翰林學士自號落堂先生 酒為名其實不用米麴難同醖造別酒一體辨課仍改 户白英十分取一為御史臺所察議得葡萄酒聚雖以 正三十分取 都酒使司於葡萄酒三十分取一至元十年抽分酒 **惲論節婦王姑狀訪到京兆府三白渠副使郭時中** 監司巡按許接見實客唯不親謁同上 用黄紙作貼黄上書奏帖二字下書臣其謹封為電 TO MAN INTERNATION OF I 元典章 中州集

史家其都也詩回視華堂前石二举何人移置自何年 養 婚者國史院庭 中石名 也怕寧 御史為僕言自其先 它真順堅確殊有父風宗族稱賢鄉問服化在雷門**善 訟時與諸老名勝賦詩者蓋數百萬金玉堂無本而御** 故雷止生女子一人經今十有六年窮居守志誓死难 繼先聲居郭氏實為節婦理宜姓表風動多方鳥臺筆 妻雷氏係前監察御史雷希顏女自三十一歲夫郭身 深熱色運車地改技数根近九天俯仰百年承兩齊 一一一一一日本三日一十二日 接雲煙於鄉御與遺書在為錄鰲峰舊賦

人且年少帝大怒曰汝未用南人何以知南人不可 至元二十四年命程鉅夫為御史中丞臺臣言鉅夫南 史列傳 員路有犯無隱茍獲譴乞不為親累或以聞帝數日巴 恩母子雖生今世其義烈之言當於古人中求之元 死之日猶生之年也天福亦請於憲府曰監察職當 **新表以塞其責勿以未亡人為如俾吾追踪陵** 拜御史時其母戒之曰古稱公爾忘私委質為 點言追法司謂之效野班李材解罪語

宗即位疏上時務一十一事帝嘉納之同上 矣今皇太孫龍飛而靈復出天其彰瑞應於今日乎成 西京直衛馬老十五 劉聲拜監察御史是時御史中丞崔或好盛氣行人 自今省部臺院必參用南人遂以鉅夫仍為集賢直學 曾孫碩德者桓辯識其文曰此歷代傳國璽也亡之久 史拜 謁或平受之獨見賢則待以上客 同上 拜御史行御史臺事同上 師表表定四年釋褐除紹與路總管府推官考滿 桓至元三十 拜監察御史自世祖以後南人斥不用及 年拜監察御史有得玉煙於木華

五十五年 事事事事我十五 耕録 東不樂似有舉刺之意大書壁上曰御史其日訪其 某日某人來訪御史見之呼謂曰我嘗又訪某人汝乃 燕地未有梅花吳開閉宗師時為嗣師新從江南移至 子者正欲為五常主張也使我今日謝絕故舊是為御 周景遠為南臺御史分治浙省每日與朋友往復其書 同土 記何也第補出之因後謂曰人之所以讀書為士君 常寧不為御史不可滅人理吏赧服而退報 工復得居省臺自師泰始時論以為得

馬御史伯庸吳助教養浩虞修撰伯生和之同上 各宜作詩伯兩遂賦長詩有風沙不憚五千里將身 既久不覺熟寢夢覺日已暮矣嗣師笑曰伯雨素有詩 扁曰漱芳亭張伯雨偶造其所恍與西湖故人遇徘 御史童言胄子之教寄寓官舍監随非宜奏請孔廟之 入仙人壺之句嗣師大喜送袁學士伯長謝博士 當建國子學以御史府所貯公都充其費追至仁宗 成材木瓦甓諸物之直工役飲食之費 監衛之北構架書閣延祐四年夏經始六年 偽然增監學之輝名其閣曰崇文臺臣 一皆出御 一敬德

月考滿降一等正九品用 院書吏至元二十 **善吏内選取三上** 任南宣慰司令史井内臺察院書吏用不盡者**由** 月定出身於廉訪司書吏內選取歷一 司書吏取充者四十五月轉部補用不盡者九十 品江南用元選舉志 一月轉部九十月從八品內用如非 閣碑記 八年十一 行臺察院書史至元 月定出身於各道康訪

衷一時志不能伸致是窘於衣食困於羈旅一遇君者 用之竭忠報幼務公無私終世不忘其恩特致君稱 洛陽秦從龍仕元為校官果還置江南行臺侍 明太祖命方常為御史曰朕聞昔人懷才滿腹抱道盈 爾為守院御史出納一道之務察微數奏母隱南京 於海內固為賢者矣爾方常自云容於生理來朝今命 兵亂從龍以老避居鎮江太祖兵東下調徐達日鎮江 雜錄下 臺舊聞卷十六 北平 黄叔璥 王圃輯 ACT DESCRIPTION OF THE PARTY OF 御史會

簡問答甚家左右無知之者太祖呼為先生而不名明 至龍江以迎之入太祖即元故御史臺為府居從龍西 一大 南臺舊間卷十六 洪武時有三風憲官相許一人言甚便提一人言簡而 華門外事無大小皆與謀從龍盡言無隱每以筆書派 有秦元之者才器老成入城當為吾訪之既至太祖親 紀事本末 再所被解勝於理彼二人者其言寡者是多者非南京 祖日理原於心言發於口心無所虧餘出而簡心 一年選太下教官入與奉天門太史奏文星見帝

袍賜燕 鄉 志 居 詩 話 解縉 良人見其狀貌魁偉復注意焉既由進士即擢為御史 規推胡子祺等十八人為監察御史次目指武樓下賜 時就事者最縮不敢近上前即取花向上替之上財視 柳耳仍命御史一員協處此亦特恩也激石問談 辭臣以浙人不當往上日以鄉浙人知浙中利病特命 邵起蘭溪人中鄉舉入監適值迎春會例許監生簪花 既而點兩浙巡按推舉皆不得人上即呼邵玘堪差玘 無敢執筆為草者縉揮筆立就歷試其好狀上慮錯 為監察御史通都御史怙勢恣橫諸道御史欲斜 《南臺書閣卷十六

也臣墨錄 洪武十年工部承差張致中上言三事其 中冠帶示之始得釋亦不色怒同上 大書敦厚王英四字揭諸殿柱居鄉尤率易當微服人 情循父子其歸盡心於古人後十年來朝大用爾木晚 成其以而子歸益進其學文論語日朕與爾分則君臣 御史二京師各府州縣設常平人 郡城時禁庶民服靴門者縛英英笑白吾官人也取舟 王英洪武初授山東道監察御史上特命署都御史事 為衆所傾召其父至諭之 日才之生甚難而大器者晚 慎擇監察

欲帝甚寇任之時人呼小楊御史寶應縣志 紀事本末 楊允洪武十四年歲貢官御史年幾二十餘明斷善治 正東宫心之慈上大喜悉從之同上 洪武十五年上錄四畢命御史袁凱送東宮覆審遞 點為侯官令又言事又降為侯官典史益修其職皆自 劉子敬洪武末為山東道御史有能名以言事忤權 職上令農民自實或數以定稅糧權為宛平知縣 凱還復命上問朕與東宫就是凱頓首日陛下法之 禄薄儉常足官年康自高永樂初拜河南道

使的李問何官公云洪武時曾都察院掌印所謂嚴 嚴德明史作洪武中為左愈都御史詢戊廣西南丹 其面後放還歸吳中宣德末年猶存以西軍事被逮 羣臣次早廷問有能記吾宣諭者平文德出班朗誦 劉文德洪武間以明經舉任監察御史一日高皇帝諭 南京都察院志 御史李立坐堂上公跪陳云曾在臺勾當公事是識 同 日得非向記朕立諭者此人豈貪銀一兩者耶釋之 日擢廣西僉事後有奏文德受人銀 不 南臺質園 老十六 兩者太祖見

華朴 督吏民修水利十三道御史問刑慮囚皆舉重務以佐 讓家宴客教授李綺上坐致公作陪公貧甚帽被用雜 明是也李大幣起延之後堂歌沿竟日而罷後御史繆 時任在愈都御史不幸有疾蒙恩發南丹今老而歸且 洪武中國子生出使視行人覈天下土田稽有司案牘 先時法度嚴不似今日綺大驚請罪因退避下坐先 補之紛易其人問老人為何事刺字公因自述洪武 然雖勞績有成無不復監卒業者其後有長差短差 例 雅安分如此 短差復監長差則 一門等情報な十六 耳談 例滿附選待除不復監矣太學 中中

徒布衣不可得矣不報靖難後驅出就戮昌隆當陛大 琦難兵南下御史尹 昌隆上言今日事勢日去而北來 凡監生歷事部寺謂之正歷三月上選又諸司寫本随 失守藩若沉吟不斷禍至無日進退失據雖欲求為丹 申大義於天下不應使相違戾設或有選便須讓位不 章奏言周公輔成王不若能兵息戰許其入朝彼既欲 御史出巡二名調之雜歷一年滿日上選又随御史刷 奏有之上日火燒頭早從此言南北生靈受禍不若 日臣當時上車勘線位陛下奏順可發也命級別檢 百七十八名事完日上選明選舉志

酷朕亦無此勞苦遂貸昌隆死南京都察院志 中給事中朱良選李運工科都給事中張確俱改御 科道互改洪武中給事中宋善萬徵彭通王惟言王浙 兵屯金川門帝乃貴以大義斯之明紀事本末 未敢失身唇祖萬歷末給照除名復姓從良同上 究治齊黃事將景先次妻劉氏没入教坊劉氏後五 云徐行吉速行內遂改姓名徐行死於杭州寺中後因 牛景先官御史金川門失守易服宵道至丹陽遇一僧 永樂中吏科右給事中羅亨信工科給事中周岐正 都督徐增壽謀應燕御史魏公見等請誅之不聽燕 The second distriction of the second 世

讀改浙江道御史楊鼎以中允改河南道御史檢討 李時勉羅汝敬俱以言事改御史洪武中編修馬亮任 書侍御史嘉靖庚戌趙貞吉以左春坊左諭德兼河 洪武中御史李爌改工科給事中永樂初山東道御 八郁不諳刑名改工科給事中江西道御史汪俊明改 改科道者永樂中孔諤以中九改御史洪熙初侍讀 御史萬歷已未徐光啓以少詹事兼河南道御史 林兼道者洪武中夏原吉范顯祖以太子賓客還治 科給事中春明夢餘錄 · 建王輝陳敏張唯俱改御史正統已已徐程以 人南臺舊聞老一六 \dot{J}_1 南

若進此奏恐羣臣益相猜疑不若使慎密御史言之廣 無事情京都察院志 徐義永樂時初拜御史問為官之要於祭酒胡頤菴以 重足令宗社有托下詔獄杖死時年三十二同上疏時 景泰時鍾同為御史會懷獻太子薨上言沂王天資厚 治平路 楊榮響疏陳十事皆指斥五府六部三法司積獎上 正改红西道御史崇正中全擊以編修改御史同上 而嘉之密論榮曰汝言實切時弊但鄉為朕心腹之臣 前華居官有三事勉之云一要省事二勿避事三行所 贈

中面鞫特勉一一誦之至第六事伏而不言上 盤辟再四乃行同死馬號數聲亦死明史 第馬出馬伏地 不起同叱曰吾不畏死爾奚為者馬猶 脫極特復其官局上 件旨下錦衣獄先是肋骨為金瓜所傷及是加 挺忽然 耳静稿在否對日已焚矣上日時勉能直該忠臣也命 不言對曰天威嚴重臣不能詳記上微笑曰是第難言 洪熙改元侍讀李時勉抗疏論時政降御史復以言事 接踰月而平宣宗立追怒時勉抵觸仁考命械至殿 德時御史謝瑶薦廣誤書姓自陳改正帝謂吏部 · 西墨舊聞永一 六 一問何以

宣宗時大臣奏蘇州等九大都號劇繁難治擢郎中況 都御史顧佐之屬使於各道歷政三月選擇任之所謂 宣宗以教官多缺選用監生三百八十人而程富等以 宣德三年怒御史嚴與方罪何傑等沉湎酒色久不朝 鍾莫愚御史何大淵員外陸本深等知蘇常温古安等 御史也明選舉志 知其姓豈能知其才輕率如此豈稱御史之職遂論 趾大蠻縣知縣 上特召見宴勞馬廣治平略 奏贖皆存敬慎石慶書馬字缺點懼及死今薦野 一門監告開长十七 同 上

判官春明夢餘錄 宣德四年吏部奏第二甲進士王懋應授從七品官其 受禍其慘更有不忍言者明刑法志 兄當為御史以誤決死囚抵罪懋乃極刑家屬當罷不 內官同法司錄四始於正統六年凡大審錄內監奉后 **錄上日士勤告學問始登一第棄之可惜其以懋為** 九人互相容隱各廷杖二十正德嘉靖萬歷天改廷杖 汪直誣陷馬文升牟俸等有詔切責御史王瘡等二十 參遂命伽項以徇自此言官有伽項者 %張黃盖騎導於大理寺為三尺理中坐尚 一下ではていまって 成化十五年

正 八監意大監意所不欲不敢忤也內監經奉命審錄者 能為大理少 則於墓寢畫壁南面坐旁列法司及御史刑部郎 振用事于謙巡撫梁晉每入京未當持 鞠躬聽命狀悉圖之示後世為榮觀焉 統十三年狀元彭時當上表謝恩四鼓起俟隱几不 御史有姓名類謙者常件振振意以為謙嗾言官劾 儀御史奏令錦衣衛掌已奉旨胡忠安從容出奏 雅謹三法司視成案有所出入岩輕重俱目 寺以次左右列坐御史即中下捧廣立 卿 明紀事本未 同 一物交當路 視

御史誤改其封懼以答雍雍請宴中官而身為解之 韓雍弱冠為御史出按江西時有部下鎮守中官而 後馬權御史舟泊團風夜為盜切舉室皆死 長髯者貌相似而實非也馬竟捕之以盜治罪斃於狱 申祐尹站童存德孫慶林祥鳳明火 髯適報團風鎮有舟載一十二人踪跡可疑慎之中有 英宗之出也備文武百官以行六師覆於土木將相 狀元彭時不到合著錦衣衛尋上是之臣監錄 馬炳為嘉魚令有盗數人焚掠公帑而去其為首者多 臣及從官死者不可勝數御史則張洪黃裳魏貞夏誠 同意哲開茶一六 同上

為南畿提學御史蓋四世甲科二榜首二監察其樂遇 卒中官以為誠反為救解歡飲而罷續晨鐘集 姚 遠令吏還中官則已潜易舊封矣雍起謝罪復欲杖 伴為不知而啓之稍讀一二語即驚曰此非吾所當聞 福建莆田黃深景泰中拜監察御史其子如金成化時 綬 倉 偽為封識而藏舊封於懷俟會間使郵卒持以付 明史列傳 江 儷 天順中 虹月之舟游泛吳越問作室日丹邱自稱丹 使職文獻 拜監察御史成化初出知永寧府解官 训 郵

徐完江寧人成化時官御史以親老乞改南御史就養 陛左愈都御史金陵人物志 死也政數曰仁人也因薦為御史巡按徐州擒賊首張 聞公失藏今已獲盗者公往証之豬曰吾未當失風也 者去政問故婚日時禁盜者死寧亡吾風不忍盗之 一样衛輝盗起復承命往縛渠魁釋其餘英宗嘉其能 風采都御史多不法憑與援鉗灼人完抗疏劾免之 **播以工部主事謪潞河御史張政過其居值運者云** 春憲宗命內使王敬索珍玩於江南諸郡敬 下 的 唇舊聞来十六

史考試彙送兵部處治平略 弘治宋兩京武鄉試照先年團營武舉例兵部官出題 諸屬曰此即以秀才批王敬者得選御史續明通紀 古彈文白紙為重黃紙為輕故云臣報用白簡以開今 考難 輕貧後舉進士被選三原王公時為吏部指完以話 外俱巡按御史出題正德時以兵部侍郎既知武舉 家多貨送數以完為首将有資於完適完魁鄉榜得 一数怒奏行巡按御史鞫治諸生以陸公完晚進 以再典武舉鄉試於是兩京應試亦送各該御 學諸生為寫沙滌經諸生不從直前批敬 《南臺舊間卷十六

繹等並被小過伽瀬死始釋而戊之瑾召大學士以下 劉瑾擅權創用松法給事中吉時御史王時中郎中 考察朝親官既上奏翰林學士吳儼家富劉瑾皆有所 御史南金欺詐無病其為民明紀事本末 宋景弘治十八年進士 御史 御史故事知州無改御史者劉瑾創之也 金水橋南宣示奸黨御史陳琳貢安前史良佐曹蘭 去劉瑾矯留級奏尾日學士假帷模不修其致 不與御史楊南金者都御史劉宇廷撻之不堪辱 簡即其事輕未聞有黃簡者矣丹鉛總 知雅州正德五年入為河南道 明史 錄

章熊卓朱廷聲劉玉等皆海内號忠直者也有罪人源 黃昭道蔣欽蔣彦徽潘鐘王良臣趙佑何天衢徐珏楊 賢曹來旬等悉破家死者緊其妻學入朝出使皆有厚 復創罰米法件蓮者詢發輸邊御史張律陳順喬恕罪 王弘任苦李熙王恭屬浩陸崑張鳴鳳蕭乾元姚學禮 等十餘人入點瑾皆舉發致罪乃遣科道十四人分道 水死乃坐御史匡翼之罪又察鹽課杖巡鹽御史王潤 獻 一察專務搏擊御史趙時中阮古張彧劉子屬以無重 其黨張級言飽遺多係庫金勘止之會御史歐陽雲 下粮或加且死李東陽疏救始釋為民明史 THE THE PARTY COLUMN

薛文清公瑄自少即厭科舉之學慨然有求道志為御 館皆公筆為當時所稱天山銀 嚴先見贄以全帛楊麾之劉嗣見具若一袋蜜 劉大夏之父劉仁令瑞昌與高安令嚴某同入親時楊 史差監湖廣銀場手錄性理大全最昏潛完值雪盈几 推稱一官劉草席布被五盆煤竈猶然窮人耳楊心識 溥當國與劉嚴皆姻親也楊遣人往職還報曰嚴富厚 粉嘉納之尋擢仁為御史居恒六七人共一 不輟有得則秉燭疾書或通宵不寐為世大 端肅材為御史時值逆瑾誅為榜諭天下及錄付史 市門を見ら 八儒明史

他官 席書弟春由庶吉士授御史巡雲南以兄為都御史 御史矣同上 問其子大夏曰父在否曰在道中母安否曰在都家磨 林檢討預修武宗實錄成當進秩內閣費宏以春由 乃至其家詣寢室見米上 温 入與檢討劉變並擬按察愈事變亦故御史 權修撰而變亦留權編 郎龍改授者也言故事無篡修書成出為外 ://(|}}; 像一枯魚而已後楊公展墓還朝便道造 河南時鎮守內官) 修明史 一惟蒲蓆布被喜日可稱真 動以 許御史得直愈自恣 THE PARTY OF THE PROPERTY OF THE PARTY OF TH 汉

萬乃得直而御史今益有名公既失利渠乃得名固 公之有懲也國力謝無是歡飲而別同上 世宗更定祀典遂行皇后親盤禮當時俱咎夏貴溪逢 竟詣關索飯日我未朝食閹强具飯日必當宴樂閱 說未可非也周漢唐宋皇后親赞皆先有事於先盤 而市猾倚之為奸伯温至捕市猾治之閹怒將詰伯温 嘉靖之制雖未盡合古然農桑並舉固帝王所重也 謝伯温笑曰吾固 意御史馬恩至謂后親蠶於郊不可示後世然夏 飲酒半日外傳公有違言乃能待我若此耶闡 一声震情聞老十六 知無是也聞公向計御史費金二

獲編

楊爵用直言緊獄暴風連作都城皆恐人呼為楊御 譽失當減死戍雷州太史鄒守益羅洪先程文德 御史馮恩論斬母吳氏擊登聞鼓訟兔子行伏闕請 身代上令法司更審尚書聶賢左都御史王廷相坐 越章 流芳卷贈焉謂君仁臣直母慈子孝南京都察院志 得較發尚書鄭晓言刑部 順天巡按御史鄭存仁敬府縣凡法司有所 追 取人府縣不當却 題 毁

違制宜罪存仁亦執自下而上

之律論暁欺因乃命

一、陶監舊開卷十六

嘉靖 **膳賜焉吳仲出知處州府事進通惠河志被旨送史舘** 觀之大學士張璁等聯句以聞上喜給光禄熊又分 靖六年六月十 传南李學等家房上拾有銅錢八十四文 御史輛受之不復遵祖制矣 丁亥御史吳仲請修通惠河三月告成功上 八年廷議復申租制以舉人監生阮藏歲貢監 典仍令刊行 御史張璠具奏錢進入庫戒卷漫筆 有司在京者屬 九日夜京城雨雪交作次早東江 日下舊聞 刑 部 然 明史 自晓去位民間 登 詞 御

批孝疏曰包孝係是人才免完得旨遂請終養南 包孝嘉靖時為御史抗疏論分宜禍且叵測幸帝虔請 明書种 澍為監察御史春明夢餘 俱以剛直名談者美其一門之盛使職文獻 史謝少南上言慶都有堯母墓乞建祠寢以光 仙而此仙答以愛惜人才為保養壽命之源上 1月直至1月1日に上一十八 調 弱號東海為諸 錄 科給事中從兄紅為監察御史兄弟分任 少南建白可嘉改授春坊司直 鉄造見點歸舟泊燕 錄 兼翰林檢 頷 巡 院京

閲 得其故直指曰子長於詩得 題 怒而 之嗟賞不已曰微我幾失子矣被視學者真無 将赴 至京口及其舟東海固諱言也訊舟子具以實告役 帝京塵交遊落落多星散直 於我南去青山冷笑人敬枕不 返棹不得已從之至則直指尚機舟以待也既 於強楊子江頭幾問津 不亂其 留都監臨登磯上見詩驚曰此必士子失意 小雅之遺子觀其墨蹟未乾即造 毋 江花依舊容愁新西 對秋 短於文乎因索錄遺 風一焓 離鄉國夢做表猶 中適直 飛 目

嚴嵩以總督侍郎王抒愍楊繼盛死街之忬子世貞 **蕃智求古盡於忬忬有臨幅類真者以獻世蕃知之** 范以發走百成幸兵市明紀事本末行端即擬旨建緊爰書具刑部尚書 怒會樂河之警鄢懋 繼盛遊為之經紀其丧弔以詩尚以是深憾行嚴 旨授龍文以達世恭者遂進下微宗憲自叙平城 仁汝正籍羅龍 吏陷城律棄市明 指逸其姓名 一次南臺舊開光十六 百官且奸汝正受職事 梭 文家上胡宗憲手書乃被劾時 卿乃以嵩意為草授御史方輅 鄭晓擬謫戍奏上

舊多出學使手巡按御史葉經乞唐順之文高心憾 哀號攀送有無數蝇小而綠色朋飛亮是如泣 書友人言經紀繆嚴嵩惡經遂宾之死及後大計諸 呂高嘉靖八才子名最下官山東提學副使鄉試錄 嘉靖問三水何維 廣京新語 乃散既抵京下獄蠅集如前高明羅一中為誤蒼蠅傳 與止於桎梏止於校人之衣撲之不去出郭十餘 正獄宗憲竟瘦死汝正得釋 經禍由高乃斥歸 柘以御史按閩疏論嚴尚被逮 明史陳束傳 明史列傳 如訴 閩 御

尚書劉南垣公請老家居有直 比食至惟脫栗飯豈腐一器而已各食三碗直指覺過 務特留此一飯但老妻他往無人治具家常飯能對食 續是鐘集 郡縣患之公日於其來欵之日老夫欲設席恐妨 甚不能也公笑日可見飲無原無精粗飢時易食飽 少頃佳肴美醖羅 直指以師命不敢辭自朝過午飯尚未出直指 郊 繼曾四川資縣人云給事時其親禁日君 特使 直 列盈前不能下箸公强之對曰 指喻其訓後不敢以盤發責人 指使者以飲食苛求 飢甚

否神口但要鄉貫票帖耳如言寫帖焚之人遂不見及 神復至出其金止八百兩子問之則曰前某主事金 神也待君久矣予曰金何在神指座下視之果有白金 栗燭獨坐突有一人在前叱之應曰我非人為君守 一復命時有同年某主事丁憂在家因以保舉一官為 悚然愧謝未當告人今年八十為君洩此以見分定 切忌苟利予巡按雲南時至 不得己而受歸家數日具牲體夜静將禱前事則原 兩因語之日我為御史如何将此物行能為我送歸 謝禮五百金請公受二百金子拒之主事有難色 コドコピコア 日十 ンフ 一地身如芒刺不可

登郭 孔化周釋徐准處守恩倪緝 架尚德陸琳李循義 主分祭而以成憲及時未可為言者御史許廷桂張 方遠廖自顯嘉靖祀典 御史傅炯乐鍧主分祭而未以古禮為非者御史譚 紀盧問之傅漢臣謝蘭主分祭而以山川壇為方邱者 王衮陳講王道范安王杲趙兒吳麟口士 郊祀詔博來公議主分祭者御史王繼禮喻希禮陰 1月に生きには、1月に生きに日本の一人に 事部司次移往還及牧民官出教 數耳時嘉靖戊戌年也 一體稅宗時御史詹 印庇巡 - 網然錄 視十庫疏言內臣假上 用照字言官上書 劉葉照朱觀

眉 華亭包公節與弟孝以兄弟進士為南北兩臺其門 修宮苑羣小乾没有累聖德宦官因指再照人主語大 神宗即位之冬妖星見慈慶宮後延焼連房御史胡涔 供名恣意漁獵不置簿籍再照前取户 云兄進士弟進士 不敬帝怒曰仰庇小臣敢照及天子遂廷杖百除名)編察校庭中曾蒙先朝龍幸者體鄉優遇其餘毋論 公見聞録 **柴放遣奏中有唐高不君則天為虐語帝怒問** 語所指為誰張居正對日序言雖在悖心無 一日中西西山西山 天而露南御史北御史兩地風霜 部銀盡創鰲山 聯

學經生蘇某請行蘇至城營賊禮宴呼白大王者與之 指青山山破裂馬飲長江 談古今蘇響應無窮白敬服或云白即某處薛御史 築室淞江之資種 意未釋嚴旨謀讓净惶恐請罪斥為民 黙 御史彭公澤奉命討河南流城命辨士 、生民血 賊為主云賊不服招而回戰書書尾有詩云 御史作時 說聽增記 相 中丙夜不輟 梅萬樹目日梅花 謪 邛州判官歷任陝西參議乞養 江水竭精兵指日下南陽 明史 源以著書為事 招降開封府 明史 劍

李一陽請還一儒於朝以厲恬讓帝可其奏一儒竟不 即 金陵 初名李良而已娶妻數年因夫婦不和將妻遂照後或 人化日隆慶戊辰山西太原府静樂縣男化為女是人門不入公府篤行好學至老不倦所著嘉隆聞紀中紀 死貴產盡入官一儒乃發向所級物還之南京御史 明奏聞天都載 病遂化為女與本村民白尚配為夫婦時巡按宋總 御史越人稱韓峰先生公以直道作時罷歸杜 儒子珠非統綺盈箱篋一儒悉局之别室居 儒拜南京工部尚書南牛歲移疾歸初張居

幕賓質燥然之所為也已註其中年富貴矣姚日稿 疏請販所活不下數千萬獨不可相準乎主者日此 亦秀水人少年家貧從姚於官因見古荒特作疏稿勘 勿喜自省理應受罪姚日固也當兩省玄荒某會上 作疏由某上獨不可分其半乎主者乃令其生還質 入與司主者詰日爾為御史何好殺如此姚日某為 執法耳非好殺也主者曰此言過矣凡為官當體 好生惡殺之心先王刑期無刑之意今爾不以哀 姚思仁萬歷巡按山東河南殺賊頗多忽病中 ♥ 司不管門六十二 爾

器或少益以糖蜜果餌海味之屬進子鵝必去其首 顧答拜之出酒食 請刺也令翰林科道過者 以 君 臣監錄 之後賀四十年登第界官家宰姚亦官至工 雞首尾蓋之日御史毋食鵝倒也若題年以來 御史請告里居巡按來相訪則留飯葷素不過 汙 果陳留連下夜至有用聲樂者矣先君 初以 八老止以刻曾南豐集大明律例各 一百五百七日ラー 御史使河東取道歸里所 相数必精腆而品不過繁然亦不 無不置席具故肅請矣先 過 遇 巡波按 撫按必先 部尚

駭矣觚不觚錄 御 烟 御史 俊 假唯慈陽麥飯而巴口占 西 輯 氏雖勢張甚亦無用幣也二年在楚所投謁政府 史謁於家飲語久之求退先生日能少留疏食否 作書當時匪直先君為然有用幣者知之則頗以為 圍 任御史 飯藝陽也可憐試向城樓高處望人家幾處未 稱之 雜識 矮梅先生通五經從遊甚衆一日其徒官行臺 明通 同語言明失十二 持身清約巡按福建食唯荳腐世以蓝腐 紀 詩界之慈陽麥飯丹 田

彈章明史 楊左諸公同死詔獄諡忠愍余向李翰林丹書難詢其 武定袁熙宇先生諱化中明天故中官御史劾逆闡 躏者武升擁兵玩冠莫肯力戰侍御抗疏請於朝願易 村農丹書近考其遺事為作傳又欲醸金立祠特書以 祠 詔奪明俸擢與郊太常少卿都人為之語曰欲京堂須 御史王明劾吏科給事中陳與郊并及吏部尚書楊巍 犯訪其子孫則八 十年來未有專祠子孫寥落夷為 分甘餘話 張侍御留孺出按中州流窓盡豫之境無不被踩 一時一書を見えーフ

之 御 御 史柳彦 燥不能 不見豪錄禅將一跌遂以奪官李如石先生為之改總戎明三百年未有也戮力行間大小二十餘 按 初堂集 都督愈事為河南總兵官謁熊文燦言獻忠狼子 不見褒錄禅將 É 提袍鼓立軍門上 終為國患我以勤王為名出其不意可立待也文 侍御名任學安岳人請易武階格於部議 卒仲益戍遼陽數年放還貧甚絲積粒 輝貸陸坦銀五十兩不立券獨柳子仲益 用 報 天子樞府遂改換總戎以 帝命 聚 知

農事稽女工尤恤貧窘無牛具者負與耕種無木棉者 臺中定 《 南臺島間 光一 六 借與紡績時歷鄉村察其勤情同上 朱裳少勵清節貧苦曠如也躬自炊及為御史寒約如 見兩翁於地下也 不 銀 三水縣典史曾泉以御史謫任蒞事勤能勸學與禮督 知吾實知之吾翁與若翁 拜曾用手本今俱用刺 人稱為長齊御史 五十兩拜坦墓納還金坦子以無券解仲益日若 相拜風憲事宜開載先年試職於老道 |續展鐘集 吾學編 知之吾弗償異日何面 新咨道長及後三咨道 11年1日 目

致賀不 不 答 陞京堂者 於咨深道長初須 正 JE, 卿 卿專請 司郡守者公送補二副書一部以存厚 必具答 可太遲陞者受補其書儀候答席時作為折 五金亞鄉以下三金送致 卿 送補二副 在京大九 陞 即報 席 正鄉舊臺中合舉賀用見陛服色高 到 亞卿以下 童中有建言被斥或左遷為 面候 以榮其行 卿三品 D 前後各具書儀五星線補 **敛分公請一席總具一** 次穿素服後 汉 上或起用或胜任 一切筵會不 正 卿 拘 加宫 體彼 用 公 保保 到 亦

はは、本体を作りの大 二十五人腫傳後特投二甲進士陳羽白陳純德魏景 崇正十三年三月策試諸貢士於皇極殿奏封稱旨者 都察院志 老道長以見衙門之誼唯稱謂之間非別有情分者晚 回謝不人各另帖赴席期限以申刻不必東燭席兩 不用席不用幣不用紅東不用謝酒帖送公禮上 座不專席俱恨十器飯三道益以小菜十器攢盒免 先輩曰某老先生先輩稱晚輩日某老道長南京 一登吳邦臣為各道監察御史其後陳 純德馮 簿上飲分不論崇卑治屬鄉年等項俱止稱某

首善書院者御史臺諸君所級為南阜鄉先生少墟馬 矣余亟往物色之則先是為某侍御輦而友之中城察 善書院碑一通先生冁然日何必然曩時蓋書兩碑其 崇正壬申夏華亭董先生召起入都予請先生重書首 呂君克孝御史周君宗建為震草 院署中尚無恙也燕都遊覧志 金二百八十两皆五廳十三道 槌碎其一 生講學所也書院在大時雍坊十四舖買自民間 王廷評應遊摹勒藏壁問第搜而出之足 亭筆記 **折輪經紀其事者司務**

言悉釋之續展鐘集 掌兵部出入里中人或超避飯使人諭止之日與爾曹 侍御喬可聘築柘溪草堂脱年更治陶園課子自書壁 總被倪尚書誤却官曰何誤耶民曰尚書亦南京人其 其里人不為起乃執數人送東城御史詰之對曰民等 史良佐為御史巡南京西城而其家在東城每出入怒 思意史公插倪公遂不為起不意逢彼怒也御史善其 では、一下で写在日本は、一下一つ 同鄉里吾不能過里門下車刀煩爾曹數起耶民等甚 **云無莊周之達而知魚樂無茂叔之静而愛蓮香無陶** 元亮之高安意義皇一枕無邵堯夫之學漫吟雪月風

昔有御史怒其縣令縣令密使嬖兒侍御史雅之遂 俱赴於御史持築篋授縣令他官各有所授及火減敢發因稱疾不視事夜半於厨中發火火光燭天郡 之實應縣志 邱壑二字等間看過不以此自娛日以此自警庶幾得 竊其篋中篆去 酣義 無吳康齊之收飲身心而美綠陰清畫無高雲 一家篋則家在馬續是鐘焦 大懼乎先儒以玩物為害道所從來矣兒童莫 理而慕水居優游內不足外有餘君子所恥 御史顧篆篋空心疑縣令所為而不

管纓不絕黃岡縣志 王抱冊投水中御史憫其意令人急拯之允於請至今 立學宫即碑宣德中御史田續 明經辟薦任餘杭令摧監察御史洪武時御史雖孫請臺中姓名不經見者宋御史變玄圖明南康黃鑫武由 水! 南臺舊聞卷十六 值巡方御史至思旻具饑民冊求請發賑御史弗許枉力言於令獲釋思旻後以三考為泰州判官歲大 問王思是為縣刑房吏有被盗誣者陷獄中王心知 輕困雜識